

燕石集卷第九

絕句七言

送王君實西臺御史十首

鳳城雪霽收燈後烏府風清奏牘餘  
道路行人傳好語國朝詩話藝文學

士拜新除

折桂蟾宮近十年品流第一群仙頌  
臺藏室遨遊徧御史分

司又占先甲子省元秘書郎太常博士

一代才華百事堪祥麟威鳳木梗枏  
願携雲閣脩書筆移向惠

文冠後筭預修經世大典

樊川韋曲稱間情卉木林泉畫不成  
畢竟高明挂霄終南崇



峻渭流清

魯郭原頭終拜掃雙清亭上罷吟哦黃塵發軔關河路柰此騷  
人標致何

十二官街踏雪泥歸來門巷晚淒迷故人忽報明朝去橫玉一  
聲春日低

江東日暮碧雲陰前月絨書錦鯉沈渭北春天多綠樹又從何  
處覓喬林時蕪伯修南臺方赴上

同年分袂不通書隴嶠巴川星散居驄馬經行能問訊定應投  
刺不躊躇

生長何曾出帝城馬蹄一旦赴咸京子長遊覽文章健張掖渙

池在此行

芙蓉秋水錦生花義獻風流是故家誰敢持縵叩廳閣多應判  
牒走龍蛇

送王伯修內翰奉母之官南臺御史六首

馮驩時動劍誇聲忽聽乘驄建業行侍御雖然曾識面臺端共  
說舊聞名

今代鑿坡匠手間故教持斧出江關多應湖海頻移節敢望君  
王早賜環

九重天子恩如海雷兩斯須徧八荒南土不寒多草木却愁無  
地著秋霜

無慄莫飲采石酒有耳休聽商女歌攬轡歸來無一事蔣山高  
處看烟蘿

漳河路河水悠：夫君去上沙棠舟承顏無復別親若分袂但  
增知己愁

伯修思子馬如飛兼善携家棹且遲邂逅故人煩寄語故人揮  
塵日評詩時二家皆召赴內臺

渡濟河馬上初見近城諸山

華山高聳鵲山東一帶煙霏翠接空安石從來多雅興卻如新  
婦閉車中

中秋與呂仲實清話憶泚之李內翰不見

大明湖上水涵天月色偏宜李謫仙應笑吾曹殺風景碧梧窓  
下對燈眠

和州孝子黃鉞父病癰篤孝子醮願減年以益父壽果再  
生十年

上帝高居虎豹關塵寰蝼蟻敢相干寧馨別有延年術一寸靈  
臺九轉丹

冬日雜詩五首

暗塵駕馬夕陽酣凍路凌兢思不堪徒似徙行知捷徑踏冰時

過象坊南時予右臂疾未愈

金水橋西沙路低東來翠幘與橋齊不知夫婿何官職後擁前

驅過曲堤

下床指直難結帶出戶舌卷深入喉共羨將軍能出獵  
不風流

金闕銀宮上帝居綠章封事達雲衢曉來官吏傳相告  
生仍斷屠時崇直萬壽宮為兩朝大行作黃籙醮明日放

掃除愁恨惟應酒陶寫襟靈僅有詩四十頭顱只如此  
事及遊絲

過海子觀浴象

四蹄如柱鼻垂雲踏碎春泥亂水紋鷓鴣鵲好風景  
散不成群

送趙伯常淮西憲副六首

十年前是紫薇郎伴我書聲隔粉牆今日綉衣持斧去  
髮半秋霜至治三年趙為中書掾予為桐子師其隣

元龍湖海舊襟期叔度汪洋萬頃陂知君不作婣嬰態  
清報盛時

天北天南賦遠遊合肥城下理松楸多應夢見還家樂  
攢去國愁趙先為南臺御史巡歷海南召為左司都事分司上都今以清貧求出故有是命父母皆塋廬州

常日相陪散馬蹄官曹同事鳳城西別來應憶太禧白  
湏烏迭泥趙為太禧宗裡經參議予為照磨太禧白酒名烏迭泥去疾即孩兒茶酒後嗜舍之

明月清風赤壁磯八公山色照連漪車使者多清致攬轡經

行合有詩

春來幾度送華輶芳草多情柳亦愁不惜裁詩寫離恨道傍只恐鬼椰榆

河東郭從讓友于堂

金昆玉季儘優游學似椿津共白頭總為隋家賢吏部讀書不問駕車牛

萬戶侯李通敏祠堂

猿臂將軍金虎符尋常氣壓萬熊羆而今廟貌開生面猶似轅門按湛盧

李文忠自號寓盤

茂樹清泉樂意深當年祇有一知音却憐千古河陽月幾照今人慕蘭心

送張克寧赴淮東憲掾

讀律由來可致身十年烏府氣無倫明朝奉檄淮南去多少芳年惜後塵

神鳳琴 太原李公遜所藏唐雷恒製宋建隆重修

絕響朝陽瑞世鳴喧啾百鳴謾開情却憑千古絲桐在傳得岐山一搯聲

浴罷 九月七日平江作南使江浙之行

黃華街市雨珊珊：磴滑橋危馬足艱催喚小胥供祝版吳歛坊

下振衣還

姑蘓即事

南北東西畫舫通  
賣魚輸稻不愁風  
鄰人使北歸來說  
車馬京塵十丈紅

娃兒十五瘦腰肢  
眼角紅粧淺淡施  
聞道阿孃將典却  
揭簾催喚買燕支

平望驛和王伯循芙蓉韻

都門暑雨別匆匆  
尊酒論文久不重  
却憶蓬萊雲起處  
如舟亭下看芙蓉

晚發皂林驛

萬壽山前旭日鮮  
瑯玕無數映清漣  
吳兒咲我殺風景  
馬上驅馳不坐船

長安驛道中觀芙蓉寄朝伯循

玉溪橋畔淡朝霞  
照景紅粧法露華  
說似分司才御史  
水邊花勝驛中花

一錢太守祠 劉寵

山中父老感承宣  
五馬高情亦自賢  
一樣青銅成肉好  
後來多是將鬚錢

上虞山行值雨馬上口占

山腰雲掩翠光微  
遠見雲濃近見稀  
對景漫思高彥敬  
懷人常

憶米元暉

上虞山行曉霜

略約凝霜曉不乾  
竟無人跡白漫漫  
馬蹄踏破鉛華色  
得似鴛鴦瓦上看

嵯縣道中

一徑蜿蜒萬壑遮  
良田美樹襯烟霞  
明時不作秦人避  
欲占膏腴別起家

過雁蕩不見李五峯隱君

雁蕩山高不可攀  
松巢竹塢白雲端  
題詩為報經行客  
莫作尋常少室看

石溪驛候伯循不至

古來元白似金蘭  
誰道風不可攀  
驛騎飛來問驄馬  
計程應是在鉛山

深青早發比明至  
柳陽橋戲賦

擯榔嚼罷復含薑  
月落松明馬首香  
勿聞禁漏宿醒初

解對殘粧

寒食拜掃盤桓南城親友家  
書所聞見俚歌十首

北城繁華撥不開  
南城盡是廢池臺  
看花君子頗解事  
不嘆南城似冷灰

南 官家有孤兒  
華裾寶馬日遨嬉  
群奴豪酤賣丘木  
身在醉

鄉猶未知 招賢鄉劉氏事

柳村南路百泉涌陷車蹟馬沮如深筑 一僧力負土治 平聲道

不成徒苦心 且泉地卑泥濘四時不乾一僧誓填之功未就旋壞已數年矣

停驂惆悵聖安寺舊時輪奐想翬飛前朝已落王承福後堂空

祀李宸妃 寺亡金所建

街頭老父髮垂肩拄杖支頤話可憐粗糲不甜寒具小風光那

似十年前

貴人池沼多魚鱉好佛經年不殺生惡少家奴苦相負時時釣

獨恣煎烹 太禧院使禿堅帖木兒別宅在豐宜門內街東宅有池可十數畝予嘗屢至篇中事得之於其家人

故都空有廢殘城天曆人家學避兵今日街衢却依舊柵門全

毀塹填平 天曆戊辰冬北兵迫蘆溝河南城民家嘗樹柵塹以自衛

曉携兒姪拜先龍常恐重來徑路迷馬上舉鞭頻指示石碑東

畔綠揚西 時兄子彊將補外

楊柳蕭條花樹稀風光畢竟屬春時更過幾日來相賞杜宇聲

催綠滿枝

醉人馳驟紫叱撥遊女搖曳雙秋千爭咲書生常戲頰不關名

利謾華顛

四月晦日早自石橋北度安濟橋入史局馬上口號

街樹葱蘢曉雨 官河相近御溝流帝城不是多塵土直住詩

人到白頭 安濟橋頗危俗呼捨命橋者是也



台州韓誠之入京赴調教授松江及歸取道彰德展省宋  
丞相魏公之墓絕句三首送之

中子峯前 歲盟觀光未久去王城匆々又省安陽墓不負西  
風萬里行

前朝譜牒自流傳陵谷那知有變遷畫錦英靈儼千古多應能  
喜後人賢

金窠大印押班聯劍履繽紛落九天餐盡萬年成餒鬼揪捥何  
處認曾玄

揭曼碩小僕鄒福頗能作詩諸名勝皆有所贈  
福也事人甚不切學詩習字款自別不似南隣守舍兒輕裘肥

馬通關節

送李從善之湖南醫官

衡嶺雲開去路長名山芝朮氣芬芳多因採得逢仙子乞去聲與  
延年第一方

舞陽劉元亭風漪亭

南薰微度曲陂前鴨綠粼々出自然眼底文章人不識却教客  
易入詩篇

調謝敬德步放存二主司口號 同為東平鄉試考官

半生跋涉每獨徃今得兩公皆俊才對榻聯鑣已經夕如何緝  
口未曾開

嘲敬德口號

翰林十載擅才名廷試南宮數與明今日東行倍惆悵重來投  
牒赴南城南城大都每歲鄉試之所敬德頗重于乘馬故云

閏十二月二十七日喜雪前二日平章徹里帖木兒竄南安

趙魏燕齊無步苗秋冬不雨煖塵飄王城一夜霏春雪喜氣  
氤氳疹氣消

昨夜鴝鵒出鳳池同雲如水際天垂誰知六出豐登瑞不在黃  
扉燮理時

積禍丘山重莫蠲君恩如海聽南邊品流懸絕昌黎叟一樣藍  
關馬不前

姓名何事到金甌滄海橫流浩莫收鵠立白袍三百箇有誰回  
首望岸州

雨中馬上口號

十二官街底許寬尋常塵土漫晚來一雨春多少唯有垂  
楊最好看

送翰林應奉壽同海涯挈家觀者十首

供奉字弘毅至順四年進士第二名  
畏吾人自號清水玉壺登第時寓居蓬萊真境

翰林供奉三十強前春曾是採花郎年來居京大不易走回沙  
頭覓去航

才情如水氣如烟寒露玉壺冰浸天北庭沙草渺何許江南風

月故依然

巷南巷北嘆偏側楚山楚水去南留白玉堂深雲霧杳遲子還  
應八月秋

往年折得高枝挂身在蓬萊無處尋今日論交便如故百年詩  
酒百年心

携幼入室藉文祿上堂拜母舞班衣青綾被冷承明直憶著餐  
錢應早歸

妻兒含啼紅腐粥僕夫禁凍吉貝衣到家同作端午節角黍如  
玉紅魚肥

京華塵土浩漫漫精神百倍是南還楊柳風前梳黑髮荷花池

上沈朱顏

小季讀書飽籠餅同人對榻戲檮蒲君過揚州應北望相思魂  
夢繞川途其弟吉祥海涯留京補園子生

昨朝直院舟先發供奉今晨又趣裝廣陌無人留去騎前途有  
幸及歸航時直學士歐陽原功先還湖湘

一日不見如三秋乃今送君作遠遊我儂猶索長安米你儂指  
日到蘄州

夜歸即事

九衢塵土夜模糊款段無膽不任驅聞是鳴騶忙避路誰知惡  
少誰傳呼

贈長安孝義張周鄉三首 世昌

堂上家公白髮垂，隨陽鴻雁各分飛。  
當嘗獨有娛親志，不羨朝衣羨綵衣。

幾多豪傑出長安，散盡黃金救急難。  
得似夫君有陽報，白頭強健子能官。  
其子字克禮

魯同尊酒話蟬聯，君世西秦我世燕。  
慷慨固當歌義俠，流風傳過二千年。

無題

秋千架底過清明，賁堦除官促遠行。  
收拾春衣單騎去，落花風裡暮砧鳴。

三原張氏望松亭 張克禮

已聞翠柏凝芳淚，更道白楊多悲風。  
時見此霜雪，餘終身哀思何時窮。

唐人兩馬國

出洗當年滿渭川，四十音萬疋架雲烟。  
畫圖只見風蹄八孤負，河東晉問篇。

山水橫披

漁翁袖手空艤棹，琴客攢眉欲絕弦。  
唯有群僧無俗恨，亂山孤寺靜談禪。

江浙省照磨段吉甫於予為同年友，至順癸酉會于吳門。

今春書來寄近詩十餘首遂和其次韻張伯雨新居四  
絕句以荅時同年呂仲賓僉浙西憲併以東之

流水閭門畫舸橫姑蘓臺上暮雲平五年一覺吳  
鴻肯寄聲  
夢珍重歸

吳山未了青越調吳歛儘可聽自恨昔年騎馬過錢塘佳  
處不曾停

尋芳緩步玉津園擲果閒呼石洞猿更說公餘多樂事酒船撐  
過湧金門

葛嶺躋拔履齒苔舊游山鳥不相猜緇衣使者雖同調不許聯  
鑣共往來

又次韻述懷見荅

搏桑日出事縱橫濁酒能澆磊砢魂平占籍神州將百歲晚風空  
送杜鵑聲

搏桑恐是扶桑

居庸一帶雨餘青歷鹿車聲久壓聽夢到江南舊遊處釣魚磯  
畔柳風停

菟裘無地可田園猶是棲  
擇木猿昨夜洛陽風雪甚袁安依  
舊卧衡門

虛庭羅雀砌生苔紫燕寄簾似見猜開盡碧桃凝竚久麻姑書  
信幾時來

王君冕嘗於長安城東出南頭第一門之北鑿牖穴號歸

雲洞二首 門即青門廟記又名青綺門

青綺門邊有穴居  
窈無窓戶與階除  
暫時收住為霖氣  
不逐狂風謾卷舒

蒼狗白衣多變幻  
土屋深沉藏不散  
神龍有時飛汗漫  
猶可相從雨霄漢

撫州李氏種桃亭

瑤池阿母杳無踪  
結實開花帳望中  
何似君家亭子止  
一年一度看春風

贈辛瑞卿

名居損嘗物于某氏私庫誤贖得玉帶金罍

之子輕財能好義  
事如行道不拾遺  
試從人物觀此世  
有似開

元貞觀時

夏日家食偶成

曉日荒蕪簾影低  
炊烟浮動盪光衣  
蒼蠅大是無知物  
肯藉盤邊亦亂飛

順州會曹元賓尚書貽詩二絕因和其韻 巡歷京畿東道

三十昂藏試省闈  
回思金榜桂名時  
府公幸遇張京兆  
到處逢人說項斯  
予忝科名日曹為禮部侍郎

王事那能計苦寒  
客窓燈火夜闌珊  
誰人解得尚書樂  
不戴朝冠戴道冠

十二月十五日香河偶成

朔風初定晚霜晴  
獨坐寒廳日轉盈  
恠得無人來訴訟  
羽林獵騎盡還營

檀州之平谷道中口號

賑飢東道

村垣兒女可憐生  
滿髻花枝弄晚晴  
放下秋千爭見笑  
雨中騎馬過清明

豐潤縣賑飢答武孝隆文學

唐坊霖雨怨八座  
漢廷災異免三公  
古人爭解言調燮  
不識春郊發廩功

武清縣齋遣興

想像規撫臨晉帖  
搜求章句記唐詩  
綠尊且喜無群飲  
緗帙安

能許自隨

三月晦日偶成

十里平原晚色低  
粉飄紅墜綠淒迷  
客中無限傷春句  
却為乘驄不敢題

病後自嘲

誰使儒冠易豸冠  
寸心萬慮死灰寒  
九衢隨例乘驄馬

滿山縣解和趙伯常憲副韻

霜氣澄空日色明  
詩情橫逐曉霞生  
前驅負弩休馳驟  
自有雲山管送迎

武安堰秦氏山莊留題

錄因襄陽

清溪如玉竹如屏  
門掩苔墻犬不驚  
恠得輶車常小駐  
林間時有讀書聲

贈玉泉寺僧天雲

吳山錫杖楚山雲  
染袈裟詣縣門  
莫恠寡惟不相見  
禪機深處付忘言

對月和穀城縣尹揚文載壁間韻

涼月娟娟照滿懷  
流水如水共徘徊  
持杯對影非吾事  
但許簾櫳徹夜開

夜起

攬衣開戶納微涼  
西北遙山掣電光  
但願天瓢膏黍黍  
莫愁溪水沒津梁

自穀城將往山中

路入均房千里餘  
人傳山徑大崎嶇  
岬岫叱馭真男子  
何必屏間看地圖

山行值雨

山雨隨雲往  
邊飛行時沾濕  
避時稀  
須臾馳過前岡去  
滿馬斜陽就晒衣

過均州界山宿道院

楚郵燕驛飽經過  
塵土風濤敗興多  
澗水繞階雲繞屋  
可人今



夜好行窩

竹山、中太皇觀小憇道士白劉伯溫御史舊所題二絕  
句即景和寄

雨汗淋漓鬢髮蒼空山無地得蒼涼喬松老鶴聊容與轉覺仙  
家氣味長

酒泉才子氣凌雲落、清談久不聞見說松廳深處坐簡霜揮  
洒淨妖氛 伯溫名沙剌班河西人

劉阮入天台圖

誰知物外一山川縹緲樓臺小有天不向溪頭遇仙子桃花流  
水亦悠然

秋江獨釣圖

林間二客形骸俗江上扁舟波浪愁萬里乾坤少知己一竿風  
月自優游

沙市道中二首

十里沙津綠樹涼長紅小白梨林塘今年分外春光久四月幽  
花夾道香

紫椹纍、桑柘濃野人生計儘從容林間自有催蚕鳥不用乘  
驄苦勸農

謝德潤號月海二首

三山宮闕湛無塵萬古青天白玉輪身世清高能爾許當年唯

有泛槎人

坡仙疇昔賦赤壁萬頃秋江一葦遊更向東溟觀月色當時襟  
度漫誰傳

寄京師諸公四首

華顛戚苦無悰愁絕湘南六一翁採得宜男仍謁告未應空  
學願非熊

白玉堂前一老仙能文善飲量如川官高猶說清貧甚乞去聲與  
田租作酒錢

渚宮春好酒如川引領巴江眼欲穿却咲詞人殺風景瞿塘不  
敢泛樓船

月露星河共一天無由縮地謾悽然金閨莫羨江湖趣曾溯京

塵二十年

時歐陽原功有失子之悲其子在瀏陽欲歸不得謝  
敬德學士書來訴其俸薄無酒資王師魯侍制代祀  
秦蜀由棧道竟還京不得至荆一會詩所以慰原功  
朔敬德悵

然于師魯且速區郵懷云

次韻王伯循御史

漢江如練畫船開負弩前驅照岸隈却是沙鷗解相識綠衣人

著繡衣來

御史少時常侍親自漢江沂流歸興元

宿牛首市陸叟所居二首

再錄因襄陽

窓戶斜臨雁汊洲墨雲金電晚風颭西城不用隨車雨醞釀新

涼學立秋

塵染練衣兩汗流停驂借得半窓秋自憐不及居停主坐看青

山到白頭

穀城縣齋留題 二首

城南筑水息秋濤  
城裡青帘間樹梢  
誰信琴堂太岑寂  
承塵低處燕為巢

方沼移栽菡萏茄  
曲臺培植牡丹茅  
小山叢桂多清致  
不用河陽一縣花

舟下漢臯渡

朝辭光化水無瀧  
槌鼓揚旌下漢江  
河是舟之混南北  
擢歌不似竹枝腔

復回至利陽道中

愁見群峯雲氣陰  
泥塗溽暑若難任  
逢人莫問何時雨  
阻上蹄涔尺許深

宜都朝京亭四首 按部峽州

煙靄空濛江上山  
晴時不及雨時看  
沙鷗笑殺亭前客  
有底忙時不倚闌

清江水合蜀江流  
聞說瀟漫燕尾洲  
想像秋風秋月下  
登臨不減岳陽樓

遠近峯巒濃淡姿  
微茫洲渚畫圖披  
新詩似與江山約  
恰值幽人興到時

九華山聳此山低  
一樣澄清映翠微  
千載神交誰會得  
臨風說

向謝玄暉 西北諸山稍似秋浦故云

題民安驛

枯蘆斷岸年々雪古木顏垣夜々風自是江山入圖畫  
可堪華髮道途中 戊寅庚辰皆以冬月至是驛

津市留題

煙霏空翠瞰芳洲揚柳依稀古渡頭斜日揚鞭倦行役  
自慚不及賈胡留

山南憲副拜任太古四友亭二首

三友儵然柰歲寒使君雅趣共盤桓京塵擾々春遊客  
不滿高人一笑看

窻外梅花照雪晴江城松竹更青々宦遊難學宜春檻  
好向行窩別築亭

贈相士西湖

淡妝濃抹固相宜風月才情酒共詩欲把芰荷都折盡  
只將清泚照鬚眉

贈相士小山

桂樹叢生猿鶴幽薜蘿煙月閣清愁白雲何處吟招隱  
我欲因君作少留

贈僧別傳

皇慶初先兄弘夫嘗假江陵城東資福禪院  
隙宇聚徒授章句主傳蜀人號無瑕好讀書  
論文久而情好頗密時別傳實從兄學至正辛巳秋予  
由荆南僉憲將趣召翰林別傳遊西浙名山方歸以無

瑕舊稿及名勝贈言來見別傳與予生同年弘夫兄卒  
無瑕圓寂皆已久感今懷昔令人不怡遂賦詩以贈予  
嘗以使事經温台明越故併及之別傳名普燈三首

雁行零落禪床寂回首人間二十年曾見緇衣立函丈不堪撫  
卷重凄然

越中海影接山光更著招提著色妝珍重道人多雅致盡收清  
氣入詩囊

吳越經過我亦曾溪流夜泛嶺晨登仙岩佛洞遨遊遍却媿不  
如行脚僧

淮東縣屬朱子靜乃祖所得松雪困學二帖  
西公墨妙貴莫比一門祖孫世濟美紛々惡札請託猥覆孰無

蹤祇媿死

白子芳瓶梅結實

無為君以文獻故家清慎通貴矣子方讀書温裕克承世澤有引無替此革而實之而復革生之不息之人象賢之義祥異照昭假物以顯宜哉豈直著其孝也始予至順問識無為君京師後至元戊寅予備位六察按部河南會于荆門去歲始聞薨逝感念存歿因賦小詩二首以系之君名湛字李清

蒙惠泉頭歲暮時相逢云已及瓜期捐金築塚功難就高眺得州

民死後思公守荆門常鑿河置壩埭以通舟楫會受代不克畢工歲餘歿于州蒙惠泉在州治西里許

詩書門第寧馨兒夢寐音容守總帷物外春風幾千歲瓶花常

見子纍

墨梅 為李華遠作

風香月影雪肌膚朔客晴窓看畫圖江北江南數千里夢魂何

處覓西湖

晨入太學即事口號

攬衣忙趁到齋鐘  
天際初陽照面紅  
不是高駝鞭不進  
駝車一行截街東

曹監東廳口號

北窓挂對晴空簾幕虛  
明爽氣通綠樹政宜留  
永日黃埃莫遣漲飄風

孫隱居春洲圖 三首

河豚初貴荻茅生  
洲上高人曳杖行  
誰識靜中觀物理  
長空澹澹大江橫

幅巾野服楚江干  
胸次雲夢眼界寬  
久矣忘機對鷗鳥  
不須遮

日望長安

杜若香中水沒篙  
沙平莫輒恣遊遨  
江湖真隱今誰在  
畫裡衣冠亦自高

贈談三命碧嶠

蓬萊方丈屹相通  
掀舉神鰲接太空  
人海不如雲海濶  
范：誰識李虛中

贈葉仲輿

名衡至大皇慶間嘗從承旨姪文公游及與先  
兄正獻公友舊

三月皇都偶君袖携詩卷見情親  
玉堂仙去難兄逝流水殘花亦愴神

送宣城羅教授赴攸州

吞鳳文章老益奇  
杏壇深處擁臯比  
湘南山水江東樹  
洗盡京塵總是詩

潘雲谷獻所製墨見天子于上京慈仁殿以詩贈之歸江南

一寸龍江一寸金  
布衣特進五雲深  
文房自幸非常遇  
惆悵長

楊獻賦心

六月三日寄韻

至正乙酉時在上京

窻後紅芳旭日明  
堂前綠樹晚風清  
白頭竟被虛名誤  
夢見兒

曹笑語聲

贈吏部尚書老士安

紫薇花底退朝遲  
馬上相逢共說詩  
幾度訪君多不見  
北窻開

徹晚茶蘼

詐馬宴上京作

寶馬珠衣樂事深  
只宜晴景不宜陰  
西僧解禁連朝雨  
清曉傳

宣趣賜金

寄南臺治書廣公亮

公亮幼學于金陵登科後散歷省臺嘗為南臺幕長今又拜是職作詩賀之

五花驄馬擁旌幢  
霜氣橫秋肅楚江  
鍾阜秦淮日來往  
光輝應

照舊書窻

天香第一亭二首

汪叔志先莹在涇縣方壺村墓亭有古桂延祐間汪擢乙科遂名亭天香第一

松楸深擁若堂封  
仙樹婆娑八月風  
奕葉兒孫高處折  
人間別

有廣寒宮

世傳佳木姓名偕  
召伯甘棠王氏槐  
記取汪墳蒼桂樹  
文科應兆不相乖

天上飄香雲外過  
青冥風露浥仙河  
文章自有流芳理  
不用長安郭橐駝

燕石集卷第九終

燕石集卷第十

絕句 六言

月夜渡淮

王局翁赤壁岸錦袍仙  
采石磯千古詞人高致  
一般秋月清輝  
陳南仲幼失母尋至永豐  
逆旅得見

及泉忍聞誓母歷郡乃見  
尋親借問永豐逆旅何如  
穎谷封人

送校官蕭性淵赴上豐城山市巡徼官二首

和林學正  
能鼓琴號霜鍾

儒冠暫易武弁漠北徑去  
江南借問龍庭風雪何如  
山市晴嵐  
絕句曾聞李涉悲笳常愛  
劉琨自鼓霜鍾一樣群偷  
不怕案鞬

山行即事



山雲容易作雨巖瀑取次成川石潤猶開水磴林霏僅有炊煙  
調吳正傳博士吳方為柳道傳撰墓誌

詞苑老臣遺世成均故友知音陳壽何嘗得米劉又且欲分金  
江叔志司業堪老園四首

先生儘會婆婆文苑故老無多去志任思泉石歸夢狂到松蘿  
老子垂止足戒將軍存矍鑠心南山有三徑菊東都無二疎金  
故園之樂何如大勝金馬石渠田頭有秫釀酒朝中無客通書  
老我菟裘何地半世兩梗風萍後日挈舟相訪還須許作園丁

近體樂府

滿庭芳

汴中寒食

雨意暗、養花天氣賣飴何處春簫清明上巳車馬正連朝對  
酒唱歸時多忘惜花心醉後偏饒凝雲暮青樓簾捲幾度對魂  
銷無聊空悵望東闌雪騰北郭香飄夢江南行樂水遠山遙  
深院宇綠窓啼鳥明寒食寶月良宵秋千外柳風小無力著

春嬌

二 寒食傷先兄正獻公

魂黯雲山淚零風野轉頭三度清明感今懷舊何事不傷情文  
史共梁園書几集盧對湓浦燈檠經行處洞庭彭蠡同載赴瑤  
京才名人盡羨朝家大宋陸氏難兄但駑駘小季少後鵬程  
丹桂樹何論高下紫荆花早變枯榮微衷苦亂峯如樹幽恨幾

時平

正獻與子嘗同寓汴中朝元宮一年又嘗客九江值除夕共博而守歲後同歸京師赴舉

穆護砂 燭淚

底事蘭心苦便淒然泣下如雨倚金臺獨立搵香無主腸斷封  
家相如亂撲軟驪珠愁有許向十夜銅盤傾注便不似紅冰綴  
頰也濕透仙人煙樹羅綺筵下海棠花下淫淫常怕風脂枯比  
雒陽年少江州司馬多少定誰如 照破別離心緒學人生有  
情酸楚想洞房佳會而今寥落誰能暗收玉筋筭只有金釵曾  
巧補輕濕盡粉痕如故愁思減舞腰纖細青血盡媚臉膚腴又  
恐嬌羞絳紗籠却綠窓伴我檢詩書更休教隣壁偷窺幽蘭  
啼曉露

木蘭花慢

題蛾眉亭

喚山靈一問螺子黛是誰供畫婉孌雙蛾蟬聯八字兩淚烟濃  
澄江嬋娟玉鏡儘朝暮照嬌容只為古今陳迹幾回愁損  
渠儂 十年顰蹙謾情鍾慘綠帶雲封憶賞月天仙然犀老  
將此恨難窮持盃與山為壽便展開修翠恣踈慵要似絳仙  
撫媚更須嵐靄空濛 吳絳仙煬帝宮人鳳舸殿脚女善作眉

望海潮

海子岸暮歸全城坊

山含烟素波明霞綺西風太液池頭馬似游龍車如流水歸人  
何暇夷猶叢薄擁金溝更蕭蕭宮樹調弄新秋十里烟波幾雙  
鷗鷺西漁舟 暮雲樓閣深幽政砧杵丁東弦管啁啾澹星

河熒：燈火一時清景難酬馬上試冥搜填入者知譜模寫風  
流明日重來柳下携酒教名謳

人月圓 中秋小酌

紅螺香灑金莖露清興溢璇霄玉盤光冷雲鬟霧濕丹闕烟清  
此夜明年明月何似今宵西風喚我瑤階折桂綺檻吹簫

二誠夫先生子名京華兒

神州佳處明光錦生出玉麒麟四筵都愛西山眉翠太液瞳人  
他年應是鬪鷄走馬紫陌紅塵這回休更燕秦樹粟江浦垂綸

菩薩蠻

送遼西憲孫掾還司延祐己未樂亭縣作

紫髯如戟霜臺掾風生采筆來行縣邂逅海天涯盍簪能幾時

柳梢春尚冷無物堪持贈為謝幕中蓮殷勤寄短篇

許可用時  
在憲幕

二丹陽道中

西風落日丹陽道竹岡松改相環抱何處最多情練湖秋水明

驛城那憚遠佳句初開卷寒雁任相呼羈愁一點無

三 衛州道中至元四年十月與八兒思不花御史同行按  
行河南四道

兩岐流水清如酒草根風感冰皮皸雪 太行青聯鑣看画屏  
行多雅致解起澄清志回首五雲天東華塵似煙

四 偃師道中

北芒古冢紛無數崔嵬羅列成山阜何處斷碑橫無人知姓名  
今墳如蟻垤回首成磨滅今古兩堪哀停驂酌綠苔

春從天上来

壽張惟健五月十六日

帝勅朱明擁丹穴仙籬表瑞升平天上公子齊岱精英玉樹照  
映神京渺翩：紈袴有誰似間氣玄成妙才情擅鍾王筆意韋  
杜詩聲薰風黑頭初度笑時世紛紛舞雪歌鶯燕子簾櫳葵  
榴庭院天壤至樂難名邈軒裳奕世青雲步紫綬華纓八十齡  
看緇衣父子赤舄公卿自號至樂齋

二至元六年庚辰元日立春將為山南僉憲按部至應城  
縣作此詞奉寄許可用大參陳景議憲副

旭日暎爛春屏堆盤壽酒盈尊玉帛交錯襟佩翩翩想像虎  
豹天門靄蓬萊雲氣布淑景漸遍乾坤黯消魂杏洋：韶濩赴  
赴囊韉升平萬方元會念去國孤懷盛事誰論黃閣儒臣烏

臺舊客曾是執法調元望蒲騷小邑絕咫尺寂寞山村撫嬋娟  
料梅邊傾倒回拜天恩

賀新涼 壽劉時中五月廿又八日

繡陌經新雨致升平五絃琴裡薰風吹戶夏館深沈晨容好寶  
鼎紅雲香霧還又是逋仙初度疇昔驂鸞騎赤鳳遡西清佳處  
凌霄步天壤外快豪舉遨遊又作湖山主百十回談詩酒  
盤桓容與未信星：能侵髮青鏡流年如許畢竟到廣寒天府  
多少文章真事業宦南飛自媿無佳語弦寶瑟勸霞醕

二徐復初池亭聽雨軒至治辛酉時予將之湖南

銀竹能宮羽向荷盤跳珠膈膊花奴羯鼓瀏：冷：春泉滴

畫槽頭香醕愛微外遺音太古暗度松筠時浙瀝恍吳娃枕  
傳私語君試聽有佳趣主人未解離愁苦對涼秋芭蕉巨葉  
梧桐高樹夢斷羅裙天如添一寸鄉心淒楚點點是寥寥情緒  
明日孤舟成獨往更難堪長安夜瀟湘浦憑曲檻且容與

虞美人

寄壽周子善二月十一日

暖風金鼎香醞醲像人如玉天南地北兩心期爾汝忘形如  
願定何時夫君政自章臺柳壽相人希有吟餘時復飲  
丹砂何必求仙遠訪稚川家

武陵城中有丹砂井里人相傳飲

二福州北還雨中觀梅

十年久共梅花別乍見殊佳絕臘前風景兩中天翠竹青松恰

如映清妍繁枝開遍香成陣觸目忘離恨玉人誰使似冰肌  
酒罷歌闌一向又相思

綠頭鴨

送張仲容過維揚渡之錢唐結婚正月二十日出  
京是其壽日也

緩搖鞭銷魂橋上留連恰春波鴨頭新綠倉皇便買吳船就華  
堂容壽酒作繡陌草離筵傾蓋論友分袂怨別春風秋月  
僅經年都門道紛輕薄餘子政堪憐夫君妙心期湖海意  
氣雲天便明朝拂衣徑去天涯幽恨無邊暮維舟沙鷗颺雲春  
市酒淮柳垂烟綠水迢青山隱浙江雲擁洞房仙對西湖  
烟濃雨淡少占芳妍歸來好扶搖九萬水擊三千

望月婆羅門引

江上晚泊

短衣烏帽京塵眯目強鑽頭夢中八表神遊今日江上佳處便  
欲賈胡留愛峯嵐滴翠天水涵秋 斷霞漸收見隱隱兩蛾愁  
好在九華烟樹秋浦沙鷗相看依舊但憔悴潘郎恰狀羞孤負  
却嘯傲林立

水調歌頭

寄誠夫兄在江南作時兄在史館校讐先朝實錄

登車就長路曉日照皇州風吹紫荊花落那更別離憂咫尺天  
南地北想像雲窓霧閣人在右瀛洲粉筆校書罷烏帽拂塵  
遊 出銀臺心浩：思悠：人間萬事姑置食邑素封侯收拾  
金鑾遺事記取玉壺清話此外復何求此外好看鏡綠髮不禁秋

蝶戀花

青田舟中

無數好山攢碧樹山下郵亭：下牽舟路山色娛人相指頷時  
時又被灘聲妬 寒日光陰容易度雲去雲來那更高量兩強  
把羈愁排遣去一尊酒盡青山暮

二 河內王幹臣旆竹溪

門外紅塵溪上竹：似瑯玕溪水清如玉溪上主人情不俗多  
應每食能無肉 千載高標成倏忽六逸飄然君為追遐躅莫  
向溪邊問濯足我知儒子歌難續

清平樂

武陵客舍小酌與田父相對酬酢聞農師子嘉諸人方飲他所歡甚

花臺竹塢對兩羅尊俎邂逅田翁同笑語問訊村墟禾黍酒  
徒咫尺高陽粉營狎坐飛觴一種麩生風味不知誰弱誰強

二 車廐道中

青松烏柏寒日來車廐滿目山明仍水秀忍聽玉驄馳驟  
橋掩映山莊酒旂搖曳林塘好在鶯湖春色笑人不暇飛觴村舍酒帘書鶯湖春色蓋酒名也

如夢令

題楊補之施蓬墨梅卷中他詩有忍寒對蓬立之語

常記剡溪前度坐拓船窓窺觀棹進仍舟移行盡粉香千樹  
佳趣佳趣蓬背詩人何處

浣溪沙

崑山州城西小寺晚憩

落日吳江駐畫橈招提佳處暫逍遙海風吹面酒全消曲沼  
芙蓉秋的小山叢桂晚蕭蕭幾時容我夜吹簫

二

壽南陽周文卿八十

生長升平鶴髮翁兒郎衣綵照方瞳晨昏甘旨鳳城中緩步  
不須鳩杖策配顏時藉蟻盃烘嬾將身世應非熊

三 冬日喜晴

萬瓦輕霜愛日明遊絲來往似春晴禽弄暖百般聲班竹  
乍翻經夏穉綠池猶泛過秋萍溪橋誰共探梅行

風流子

至元四年七月廿又二日蘇伯修侍郎舉一兒子以予同年久交且三子名梯雲挈雲步雲者方成

童就傳迺求微吾兒制名遂命之曰來雲繼微詞以紀筆賦此以贈兒已滿孺月矣侍郎作湯餅會併書呈席上諸公

組宇瑞烟浮仙童小高舉覓真游霞絢九光徘徊若木日宣五

色照耀瀛洲人爭覩朝趨絳闕天嬌上崑丘幾度駢鸞蛾眉東  
畔有時跨鳳恒嶽南頭何事暫夷猶儘青冥遠覽碧落奇搜  
不數薰香嫵媚傳於嬌羞笑襜褕禱禱禱禱禱禱禱禱禱  
上齊州刺費通家小字哀哀公侯

行香子 京山道中

竹院松庭犬吠鷄鳴被田家畫出升平園林掩映鞍馬經行帳  
暮天低寒日淡晚風輕浮世浮名役使神形霎時間鬢變  
星不憂不懼無辱無榮愛水邊漁林下隱隴頭耕

二暮抵應城宿縣齋後園

榭葉風乾柏葉霜殷淺坡圯路逕回環喜投公館暫卸征鞍對

竹蕭森松天矯菊爛斑歲晏天寒誰共清歡過黃昏愁恨多

端燭花漸暗爐火將殘更雁聲哀砧聲急兩聲繁

減字木蘭花

憲掾黃美君弄璋援蘇伯修侍郎例乞名其子命之曰升雲時二月六日壽序醉賦

春空靄兒解飛騰窺五彩我製佳名異姓他年叙弟兄  
我鬚白早亦頌兒年如我老緩步徐行終到蓬萊近上層

南鄉子 觀雲

紺碧峙暗空態度分明巧不同樞具神君三四輩乘龍冠珮翱  
翔赴紫宮樓觀遠玲瓏舞鳳蹲猊刻鏤工一笑斜川痴老子  
奇峰便入南窓詩句中

二此二月又廿八日君美弄第二雖仍前例名之曰凌雲賦



頭王太碗：江夏無雙世曾逢好是三生仙骨重叢霄曾侍玄  
君絳節朝 咫尺趨扶搖直上鵬程抱斗杓他日揮毫能作賦  
飄々學取成都駟馬橋

二 至元六年九月十四日李重山憲副壽日是日適臺使  
齋重書獎諭風憲至山南遊大宴合樂重山號梅庭主  
人所居官舍即舊本屏亭久扁香宇

桂宇散秋香咫尺梅庭十月陽紅葉黃花風致好華堂不比尋  
常進壽觴 褒詔燦龍光百丈蒼官 丈霜信是天恩寬似海  
徜徉就趨笙歌入醉鄉

踏莎行 早春景陵道中魚旬陰晦

野燒田青溪梅褪粉路傍新柳鶯黃嫩連陰未放碧波明峭寒  
尚阻東風信 吶軋肩輿飄蕭蓬鬢病餘懷抱無風韻彩牋  
何暇寫間情綠尊無分排孤悶

點絳脣 沔陽道中

澤國春生葑田青接重湖淺鴛鴦弄暖得意烟波遠 陰遇元  
霄晴望花朝轉和風扇群芳開遍應過京山縣

鷓鴣天 題應山縣城南渡蟻橋東數步法興寺即二宋  
讀書處

十萬玄駒過兩堤一雙丹鳳上天池科名已向生前定陰德仍  
從暗裡窺 龍虎榜鶴鶴詩同胞同甲照當時同宗盛事嗟

微異後折蟾宮向下枝 先兄正獻公至治辛酉狀元予則泰定  
甲子第三甲十二名

摸魚子 至元六年二月望日登安陸白雲樓今為分憲  
公解城中有楚木大夫宋玉故宅與池其井各琉璃

井有蘭臺故基

屹危闌郢都西北滄：漢水南去蘭臺陳迹何從訪廢宅芳池  
凝竚愁絕處空只有琉璃簪井甃聲聚千年遺緒邈白雪宮商  
椎風襟量恍惚可神遇 英靈在應念諸孫鹵莽斯文微福如  
許蕙肴蘭藉椒漿奠屈景幽魂同赴驚節序却邂逅春深不  
識悲秋苦撫今懷古謾醉墨淋漓狂歌悽惋和者應無數

西江月 王伯修贈別

烏石驛中長夜小金山下新年淮堧蕭寺夢秋天十載三四相  
見 今日漢南官舍先陰不得留連何時文酒再團圓莫待白  
頭皺面

燕石集卷第十一

表

天壽節賀表

中書省奉定丙寅作

日躔折木乾坤凝四序之功電統神樞閭闔啓千秋之節河清  
應運洛誦騰歡中賀玄默無為恭儉有守廓然豁達之大度慎  
哉兢業之小心繩祖武以持盈飭臣工而求治明德恤祀聿申  
假廟之儀愛物仁民誕布蠲租之詔萬年其永百祿是道臣等  
備位台司邁班文陛胥訓誥胥教誨敢陳無逸之圖如松柏如  
山川願獻天保之頌

又翰林國史院奉定丁卯作

良月就盈茂啓星虹之瑞自天申命誕膺玉帛之朝九域尊親  
群生鼓舞中賀量恢博大性篤寬仁治世則恒存兢惕之心保  
民則善推惻隱之念壇開八陛明禋成秩于神祇詔下十行厚  
澤普施于雷雨降年有永受福無疆臣某等職忝詞林班趨  
文石康寧好德願陳洪範之疇清淨長生敬行廣成之頌

又中書省元統甲戌作

皇極建中肇應虹流之瑞明堂居左誕膺虎拜之儀慶洽叢  
霄惟均廣土中賀忠厚及物勤儉為心載恢覆恃之功丕享  
盈成之作稱觴長樂恒愉悅而承顏側席金華每從容而論  
道以仁守位有永降年臣等職備贊襄情深舞蹈歸美報上常

瞻雲近于蓬萊欽福錫民敢頌壽齊于箕翼

正旦賀皇太后表

至順四年今天子未至京師百官朝賀與  
聖宮

寶位尊安方侯當陽之明辟璇宮嚴邃誕膺獻歲之多儀時序  
履端壺闈交慶中賀仁深慈讓德備懿純中興疑輔佐之功內職  
秉儉勤之訓徽音茂紀美文母於周詩神詔不搖召漢皇於代  
邸令圖克舉景既維新臣某等忝列外朝祇逢歲旦群臣勸進  
行惟上璽於曾孫正月始和願侍稱觴於長樂

皇后冊寶禮成賀皇帝表

至元元年乙亥作

天春皇圖侈椒宮之絳典星輝帝座享楓陛之多儀吉禮慶成  
令辰集福中賀道隆熙代德契前王原芴象以正家法春秋而

謹始寶章玉冊肆昭名器之尊揄狄羣衣允藉憂勤之篤日月  
恒久乾坤清夷臣等竊預儀幸陪朝列情深虎拜敬祈福  
祿於萬年祀謹燕禩益茂本支於奉世

賀皇太后表

養備東朝輔治夙資于定策禮成中壺問安克助于承顏九柳  
騰惟兩宮交賀中賀性全貞懿政寬慈睿謹丕祐於後人內  
教實光於前古明德之節儉簡約外戚可稱太任之端一誠莊  
徽音有嗣茂享愉怡之福肆延昌大之期臣某等叨玷清班式  
逢縟典稱觴長樂幸獲觀于朝儀載筆思齊願大書於家法

賀皇后受冊寶箋

天作之配正名位於長秋王化攸基建儀刑于中夏禮成穀旦  
慶溢排房中賀德合徽柔姿凝貞淑蚤毓祥於勳右式儷美於  
古初妃掖維賢夙仰儉勤之性宸居齊貴允資輔助之功繼于  
二南申以百福臣某等幸觀縟典故祝明時軒轅四星永光輝  
于臨照螽斯多子符紀載于歌詩

上梁文

肅雍堂上梁文 大禧宗禋院廳事

迨遠奉先眷命王之貴相視址誕開公府之隆勅旨有嚴  
臣工惟謹繫原廟之制嘗啓於昔故御容之祀遂崇於今當禴  
祀蒸嘗之餘舉朔望祥忌之薦黃扉元老總主張網維之權烏

府名流任佐佑扶持之職或親祠則助饋奠或攝祭則肅裸將  
拭玉座之容衣秘金滕之陳寶克眉舜日凜然望聖之恭俎肉  
鉶炙宛若事生之敬敢自謂竭忠於臣道顧每慚簡在於帝心  
倚注彌深優禮殊厚名位配奉常之地望曹署擬中書之規模  
諸殿天臨六司星拱風軒月戶遙連太液之波光藻井華椽近  
接蓬萊之雲氣豈直棲身而娛目於烏養德以齋心式相百工  
載歌六偉東白塔亭：曉日紅六合混同思世祖欲從何地報  
神功南聖考靈來下鬱藍石辟駭奔供俎豆雲車風馬想停  
驂西粉筆朱闈與棟齊引領遙瞻玉泉下升平徼福建招提  
北歆報之恩天罔極龍岡松老白雲深四海于今歌帝力上列

聖 龍依甲帳歲時彤蠶爛昭：宣室齋居承景貺下行幸有  
時勞法駕宸衷至孝出天然九域雍容成美化伏願上梁之後  
澡身浴德聚精會神夙夜維寅昭祖考之來格康寧以壽侈福  
祿之駢臻天命用休民德歸厚

祝文

太廟時享祝文 泰定三年冬

奉先報本秩祀有常陽月式臨歲功告備通遵尋典載歲大烝  
赫 皇靈允其昭假

又 元統二年杖

奕：大宮禮崇祀享時秋維孟錫吉致虔報本之誠寓茲尋典

尚其昭格福我後人

太廟奉安祝文 泰定四年四月二十六日

祠官弗虞震驚清閼側躬追咎悚懼靡遑消吉謀新奉安惟  
謹明靈矜宥冀妥以寧

又元統二年

有嚴太室塗墍告完迺差令辰還主于位皇靈垂鑒昭格安安

皇太后尊號冊寶開玉祝文 元統元年

太母尊慈顯膺徽號維冊維寶 良政消吉庀工追琢伊

始神其陰相克稱絳儀

天妃廟代祀祝文六道 元統癸酉

神久著靈相我國家嗣服云初漕事畢集海波不揚皆神之力

式遵彝典庸答神休真活

京師臣民仰食東南轉輸孔艱慄 巨浸歲恒無虞神功實大

福我惠我明效昭著漕臣奉祠歷年茲久初政命使代祀報神平江

神祐國家食我京邑漕舟歲發小吉于茲玟示休咎惟命是聽

每獲善利千艘奏功祇率彝章用伸虔報 周涇

神祐國家食我京邑漕舟歲發起碇于茲利涉無虞神庇悠久

敬遵彝典庸答明靈 路漕慶元温州台州並同

神靈孔昭相我漕事惟閩諸郡列祠有年蒞政之初遣使代祀

式陳菲薦庸答神休 延平福州泉州漳州并同

神有大德捍患禦災相我漕舟列祠惟舊莆田為郡靈蹟所田  
蒞政云初遣使代祀式陳菲薦庸谷神休興化湄州島同但易莆田為郡一句作湄洲之島

白浮山龍神祀文 元統二年二月二日

靈源北導醜為河渠以溉以舟實利萬世逮冰斯泮載通厥  
流神其相之永祐天府

開鈔版祝文 元統二年二月二日

楮幣之作有模有文易故以新與歲更始範金為式明神臨之  
載祈成功以阜邦用

大行皇帝謚號冊寶開字祝文 元統二年二月四日

大行有謚升祔禮嚴寶冊之成良玉為質庀工穀旦追琢其文

惟爾有神相茲大典

代祀嶽鎮海瀆祝文十九道 元統二年作

東嶽

峙形春方實長厚嶽主宰生育協贊兩儀爰命致祠庸伸望

秩尚資靈貺永祐皇圖

南嶽

祝融所居奠茲荆楚為國屏蔽介我要荒爰命 下同

西嶽

磅礴金天雄據直酉俯臨河渭鞏固穹崇 下同

北嶽

上主辰星下壓趙境延袤朔上盤固郊圻下同

中嶽

峻極乎天四方環鎮篤生明哲光輔前王下同

東鎮 沂山

作鎮青州貳于岱嶽職方是紀望秩攸崇代薦常儀尚資陰相

南鎮 會稽山

作鎮大州奠位東越職方下同

西鎮 美嶽山

作鎮于秦峙形沂隴下同

北鎮 醫無閭山

作鎮艮維產竒毓秀下同

中鎮 霍太山

作鎮中州峙形汾晉下同

東海

百川灌注四瀆朝宗波濤不揚餽餼所賴載遵秩祀膺答明

靈尚其晏然利澤萬世

南海

積流無極炎漲稽天蠻島夷邦以限以涉載遵下同

西海

淳波蒲類匯澤鹿渾葱嶺于闐賴此巨浸下同



北海

勃鞞巨澤沙漠通川窮髮之民實賴其福

下同

河瀆

源經九曲派演三門潤澤是資舟楫攸賴將命有使代牲沉牲  
尚冀安流福我王國

江瀆

濫觴岷蜀滌帶荆吳限隔載嚴南國之紀將命

下同

淮瀆

源疏桐柏流會泗沂與河同趨不挽不洩

下同

濟瀆

重源東道伏流下趨既見不常利澤斯溥

下同

后土

博厚載物品類咸亨承天之功萬世永賴式遵彝典遣使  
代祠以報以祈錫我繁祉